


# DALALAÐAN

1.tbl. 10.árg. Febrúar 1997.



Víghóll í Msfellsdal

**10 ÁRA  
AFMÆLISBLAÐ**

# Leiðari

Ekki hefur tilkast að skrifa leiðara í þetta árlega dalbúablað en þar sem bæði blaðið og félagið fagna túu ára afmæli sínu um þessar mundir verður vart undan því vikist..

Í fyrsta blaðinu sem aðeins var fjórar síður stóð skrifat:

*„Þessu fyrsta tölublaði Dalalæðunnar verður lætt inn á hvert heimili í Mosfellsdal. Ekki hefur verið ákveðið hve oft blaðið kemur út - það ræðst af viðbrögðum lesenda. ... Gaman væri ef hægt verður að koma útgáfunni á fastan grundvöll og það er pottpétt að það er til nóg efni í svona blað ef menn róta svolitið í heilabúinu sínu.“*

Það er skemmt frá því að segja að viðbrögð Dalbúa við Dalalæðunni hafa verið fádæma góð. Menn hafa verið ófeimnir við að róta til í heilabúinu sínu og leggja til efni í blaðið. Strax myndaðist sú hefð að gefa Dalalæðuna út fyrir árlegt þorrablót Víghóls og nú er blótið í nánd.

Að þessu sinni er óvenju mikil efni í blaðinu enda um 10 ára afmælisrit að ræða og sem fyrr eru það bæði dalbúar og aðrir sem leggja til efni í blaðið, Dalalæðan er greinilega komin til að vera.

Dalbúar! Fögnum nú 10 ára afmæli félags og blaðs og höldum í Harðarból!

Bjarki Bjarnason

DALALÆDAN 1. tbl. 10. árg. Febrúar 1997.

Útgefandi: Íbúasamtök Víghóll í Mosfellsdal.

Ritstjóri og ábyrgðarmaður: Bjarki Bjarnason.  
Umbrot: Hlynur Helgason.

Forsíðumynd: Auður Eiríksdóttir.

## Efni

Merkisafmæli um þessar mundir . . . . .	3
Þeir halda hópinn og hlæja dátt . . . . .	4
Gamlar vísur um Mosfellinga . . . . .	4
Mosfellsk fýndni . . . . .	5
Minning Guðjónu Benediktsdóttur . . . . .	6
Dalvísur 1996 . . . . .	7
Minning Kristínar Árnadóttur . . . . .	8
Örnefni . . . . .	9
Brot úr dalbrennusögu . . . . .	10
Úr gömlu bréfi . . . . .	11
Sumarið í dalnum 1942 . . . . .	12
Aðalfundur Víghóls . . . . .	14
Hvað á áin að heita? . . . . .	15
Landsynningar með steypiskúrum . . . . .	16
Hytta . . . . .	18
Gömum auglýsing . . . . .	19
Annáll ársins 1996 . . . . .	Baksíða

VIELSMÍTDJÁW  
**SVEINN HF.**  
FLUGUMÝRI 6 - MOSFELLSBÆ  
Sími 566-6705 - Símbóði 984-61705

TANNLÆKNASTOFA  
**GUÐJÓNS S. VALGEIRSSOAR**

Urðarbólti ... Sími 566 6992

# Merkisafmæli um þessar mundir

Jóhann Jónsson í Dalsgarði verður 80 ára þ. 16. apríl.

Svava Elíasdóttir í Víðigerði varð 75 ára þ. 20. janúar.

Salóme Þorkelsdóttir í Reykjahlíð verður 70 ára þ. 3. júlí.

Brennukóngur Dalbúa, Guðvarður Hákonarson, varð fimmtugur þann 10. desemver síðastliðinn og Erna Kjartansdóttir verður fimmtug þann 30. ágúst.

Pétur Jökull Hákonarson á Brávöllum verður 50 ára þ. 5. júlí.

Birgir Sigurðsson frá Reykjadal verðugur fimmtugur þ. 10. nóvember.

Ómar Runólfsson á Laugabóli 2 fyllir sömuleiðis 5. tuginn, á Þorláksmessu.

**Til hamingju gott fólk!**

Þá má geta þess að Félag Dalbúa Víghóll varð 10 ára síðastliðið haust. Félagið var stofnað í Reykjadal þann 15. nóvember 1986 og mættu um 40 manns á stofnfundinn. Í fyrstu ftjórn félagsins sátu:

Bjarki Bjarnason, Hvirfli, formaður. Guðrún Karlsdóttir, Sigtúni, gjaldkeri. Fróði Jóhannsson, Dalsgarði, ritari.

Dalabúar og aðrir munu fagna þessum tíumamótum á þorrablótinu í Harðarbóli þ. 8. febrúar. Snorri Gíslason frá Brekkukoti kvað:

Nú við mælum okkur mótt  
já hlustið Dalbúar!  
Í Harðarbóli er þorrablót  
þann áttunda febrúar.

Síðast en ekki síst má geta þess að Dalalæðan fagnar einnig trú ára afmæli sínu um þessar mundir.

**SS GÍSLASON**  
**VIDGERÐIR H.F.**  
**SMIDSHÖFDI II**  
**SÍMI: 587 2060**

**Reykjabúið**  
**SÍMI 566 6800 – FAX 566 8089**

# Þeir halda hópinn og hlæja dátt

(brot úr háskólaritgerð um Mosfellsdal)

Dalalæðunni befur borist í hendur ritgerð um Mosfellsdal sem skrifuð var við kennaradeild Háskóla Íslands á Akureyri (Mosfellsdalur, útg. 1995). Höfundar eru þær Margrét Árnadóttir og Guðrún S. Hjartardóttir. Hér er um að ræða býsna fróðlegan lestur fyrir Dalbúa en meðal annars er fjallað um alla þeina

## Gamlar vísur um Mosfellinga

Áður fyrr gengu manntalslistar frá sóknarprestinum á Mosfelli um sveitina. Þegar listinn kom til baka úr hringferð sinni eitt árið höfðu eftirfarandi vísur veriðritaðar aftan á skrána:

Lista þennan röskur reit rækir helgra tíða.

Mannval er í Mosfellssveit misjafnt, - eins og víða.

Misjöfn staða manna er misjafnt vit og dugur. Sálin teljast hafa hér hundrað fern og tugur.

Eins og sjá má á seinni vísunni voru Mosfellingar einungis 410 að tölù. Hvenær skyldu vísurnar hafa verið orktar? Hver var sálnahirðir Mosfellinga um þær mundir? Veit einhver hver orkti?

GSJ

i dalnum og síðan er einnig sagt frá dalnum almennt. Hér fer á eftir stuttur kafli úr ritgerðinni:

Í ferðabók sinni lýstu Eggert og Bjarni íbúum Kjósarsýslu sem stórvöxnum og vel á sig komnum. Þeir þóttu þó nokkuð fölleitir. Töldu Eggert og Bjarni það stafa af því að þeir stunduðu sjóinn og þurftu að pola regn og sjó. Uppsveitarbúar þóttu þó hraustlegri og betur útlíandi en þeir sem bjuggu við sjávarsíðuna.

Kjósarsýslubúar þóttu ekki glaðlyndir, heldur tómlátir, ómannblendir og ekki skemmtanahneigðir. Þar var sagnalestur minna ræktaður en lengra inni í landinu.

Á pessu má glöggt sjá að margt hefur breyst frá því á 18. öldinni. Dalbúar stunda ekki lengur sjóinn heldur stunda þeir margs konar störf í landi. Einnig þykja þeir nú fremur glaðlyndir og eru allt annað en tómlátir og ómannblendir. Skemmtanir stunda þeir af kappi og eru haldin þorablót dalbúa og árshátiðir.

Af þeim heimildum sem við höfum lesið má sjá að miklil samskipti hafa verið á milli íbúanna í dalnum, t.d. talar Halldór Laxness mikil um samgang fjólskyldunnar í Laxnesi og fólks á öðrum bæjum í dalnum. Oft hafa heilu fjólskyldurnar búið þarna kynslóð eftir kynslóð. Má þar nefna Hraðastaði sem nú eru orðnir fjórbýli og enn býr þar sama fjólskyldan og

Halldór talar um í æskuminningum sínum.

Í dag virðist þessi miklu sam-skipti og samheldni einkenna dalbúa. Til marks um það má nefna að þar er gefið út sérstakt tímarit sem nefnist Dalalæðan. Á sameiginlegum skemmti-um íbúa Mosfellssbæjar er sérstak-lega áberandi hversu dalbúarnir halda hópinn og hlæja dátt.

Hestamennska er mikið stunduð í Mosfellsdal og tengir það íbúana enn frekar saman og í félagsskap hesta-mannafélagsins Harðar í Mosfellsbæ eru dalbúar mjög áberandi.

Íbúafjöldinn í Mosfellsdal hefur í gegnum tíðina haldist nokkuð stöð-ugur allt frá okkar daga. Í manntali inu 1703 var íbúafjöldinn 63, árið 1801 var hann 74 og árið 1845 bjuggu þar 72 en á seinni árum hefur íbúum þar fjölgað um rílegra helming og eru nú um 150.

Er þetta í samræmi við þá þétt-býlismyndun sem hefur átt sér stað á suð-vesturhorni landsins. Mosfells-dalurinn er nálægt höfuðborginni en samt sem áður er sveitarómantíkin þar enn til staðar.

## Mosfellsk fyrndni

Stefán Gunnlaugsson hét maður og var land- og bæjarfógeti í Reykjavík skömmu fyrir miðja 19. öld. Hann þótti mjög röggssamur og mun hann pekkastur fyrir það að láta útsendara sinn gala með tilheyrandi trumbuslætti um allan bæ: „Íslensk tunga í íslenskum bæ hvað allir athugi!“ Varð hann fyrir aðkasti danskra kaupmanna og embættismanna fyrir vikið.

Einhverju sinni hitti Stefán sóknarprestinn á Mosfelli sem þá var séra Benedikt Magnússon en hann er af sumum talinn fyrirmund að prestinum í kvæði Einars Benediktssonar, MES-SAN Á MOSFELLI. Stefán skammar nú séra Benedikt fyrir að hafa gift Jónatan nokkurn á Æsustöðum og spúsu hans í forboði. Í þann tíð var öreigum óheimilt að stofna til hjú-skapar og Jónatan þótti mikill baslari og var oftast fátækur. En séra Benedikt patar höndum og segir við

landfógeta: „Nono látekki sona Gunnlaugsen minn - þau eru hjón.“

Á manntali 2. febrúar 1835 voru eftirtaldir búsettir á Æsustöðum:

Jónatan Jónsson 42 ára húsbóndi (fæddur í Glaumbærjarsókn)  
Guðrún Jónsdóttir 44 ára kona hans (fædd í Reykjavíkursókn)  
Þorsteinn Jónatansson þeirra barn  
Lárus Jónatansson þeirra barn  
Aldís Jónatansson þeirra barn

Þau hjón eru enn búsett á Æsustöðum samkvæmt manntali árið 1855 en börnin eru horfin úr sókninni.

GSJ

(Heimild þessarar sögu er hið mikla bréfasafn Jóns Sigurðssonar forseta í Þjóðskjalasafni.)

# *Guðjóna Benediktsdóttir frá Norður-Reykjum minningarorð*

Guðjóna var fædd í Bensahúsi í Garði þ. 25. nóvember árið 1909. Foreldrar hennar voru Benedikt Sæmundsson og Hansína Marie Sensíus Karlsdóttir en föður sinn missti hún árið 1914. Var henni þá komið í fóstur á heimili í Garðinum.

Hún naut þeirrar barnafræðslu sem skylt var að veita á þeim árum en þess utan voru hugur og hönd þjálfuð til þeirra starfa sem sinna þurfti á hverju heimili. Í litlu sjávarþorpi kynnaðast börnin snemma fiskvinnslustörfum og sem ung stúlka vann Guðjóna um árabil á Vífilstaðahæli.

Guðjóna giftist Jóni Zophaníasi Guðmundssyni og hófu þau búskap sinn í Reykjavík en fluttu síðan vestur í Gufudalssveit í Barðastrandarsýslu, stofnuðu nýbýlið Teigsskóg og bjuggu þar í 12 ár. Þeim Jóni og Guðjónu var fimm barna auðið en slitu samvistum og flutti Guðjóna aftur til Reykjavíkur.

Guðjóna réðist sem ráðskona að Norður-Reykjum í Mosfellsdal árið 1946 og þar lágu saman leiðir hennar og seinni manns hennar Jakobs Einars-sonar garðyrkjubónða. Pau gengu í

hjónaband árið 1948 og gerðu heimili sitt að Norður-Reykjum. Þau eignuðust tvo syni Einar Inga og Rúnar sem báðir búa á Norður-Reykjum. Heimilið sem þau Guðjóna og Jakob skópu sér og sínum á Norður-Reykjum var traust og gott sæmdarheimili og mikilli tryggð og ástfóstri tók hún við þann stað og hér í Dalnum eignaðist hún góða vini.

Guðjóna var náttúrubarn, og hún hafði yndi af hvers konar ræktun og vílast leit hún á það sem forréttindi að geta sinnt slíku í heimaranni með bónða sínum og börnum. Dalurinn hennar hér sem var vettvangur lífs og framvindu lengstan hluta ævinnar skipaði stóran sess með fegurð sína og sögu.

Guðjóna heitin var hógvær kona og fór aldrei með neina háreysti um sjálfa sig. Með framgöngu sinni og hlyju viðmóti kynnti hún sig vel á meðal granna sinna og samferðarmanna og henni þótti einkar vænt um það samfélög sem hún átti með vinum sínum hér í sveitinni.

Guð blessi minningu hennar

Sr. Jón Porsteinsson



*Bankinn er bakhjari!*



**BÚNAÐARBANKINN**

Mosfellsbær, sími 566 7000

Afgreiðslutími: Mánud.-föstud. kl. 9.15-16.00

# Dalvísur 1996

Í Tjaldanesi líflegt er  
og slegið á létta strengi.  
Því allur dalbúanna her  
elskar þessa drengi.

Um prestbústaðinn rifist var  
svo fyllti margi fundi.  
Með skoðanir býsna ákveðnar  
var Björn á Reykjalandi.

Árvangshvuttinn fékk nú nóg  
það var ver og miður.  
Í hinsta sinn á tík sig vóg  
en datt svo dauður niður.

Dalsgarðs-Jói sér ók á krá  
til að væta kverkar.  
Nokkra bíla bakkaði á  
já Lödur eru sterkar!

Frá dýralækni kom hundurinn  
sem átti ekkert val.  
Næstum át hann fjárstofninn  
frá Hreini í Helgadal.

Kirkjugarða þarf að stækka  
það virðist vera siður.  
Fólkini því þarf að fækka  
og grafa það allt niður!

Umboðsmenn í Mosfellsdal  
þar er mikill gróði.  
Iveco er okkar val  
segir Dalsgarðs-Fróði.

Breytingarnar góðar flestar  
og staðreyndin er orðin sú  
að á Æsustöðum eru hestar  
en Hrísbær orðin félagsbú.

Um áramótin stóð í stappi  
brennustjórinn Gutti  
þegar einhver FUJI - kappi  
eiturefni á brennu flutti.

Snorri Gíslason.



Mosfellsbakari

Urðarholti 2 - Sími 566 6145

# Kristín Árnadóttir frá Varmalandi

f. 6. ágúst 1911 d. 1. des. 1996

Kristín eða Kristín Málfríður, eins og hún hét fullu nafni, var fædd á Breiðumýri í Vopnafirði þann 6. ágúst 1911. Foreldrar hennar voru hjónin Hólmfríður Jóhannesdóttir og Árni Árnason bóniði. Hólmfríður, sem var Eyfirðingur að ætt og uppruna og Árni, sem var frá Bakkafirði, voru lengst af búsett á Áslaugarstöðum í Vopnafirði og þar ólst Kristín upp í fjölmennum og samheldnum systkinahópi.

Kristín fór fermingarárið sitt í vist til séra Jakobs Einarssonar á Hofi og fjölskyldu hans. Dvölin þar var henni góður skóli og heimilisfólk ið var henni kært. Þegar Vigfús Einarsson, bróðir séra Jakobs, flutti að Reykjahlíð í Mosfellsdal ásamt fjölskyldu sinni fylgdi Kristín þeim eftir. Hún stóð þá á tvítugu. Í Reykjahlíð bjó Helgi Tryggvason bókbindari ásamt fjölskyldu sinni. Ungur maður úr dalnum, áhugasamur um bækur, lærði af honum bókband. Þar var kominn Ólafur Óskar Þórðarson frá Æsustöðum, því mikla og rómaða menningarheimili. Þau Ólafur og Kristín felldu hugi saman og gengu í heilagt hjónaband þann 20. október árið 1934. Þau hófu búskap í landi

Æsustaða, stofnuðu þar nýbýli sem þau nefndu Varmaland og byggðu allt upp frá grunni. Foreldrar Ólafs, hjónin Kristín Vigfúsdóttir og Þórður Jónsson bjuggu þá á Æsustöðum, en Hjalti sonur þeirra tók fljótlega við búi ásamt konu sinni Hlíf Gunnlaugsdóttur. Með bræðrunum og fjölskyldum þeirra var mikil og gott samfélag.

Ólafur Þórðarson, sem er láttinn fyrir rúnum sjö árum, var mætur maður sem gott er að minnast. Hann var greindur og vel gerður og naut að verðleikum mikils trausts samferðarmanna sinna, var m.a. hreppstjóri hér í sveit og meðhjálpari kirkjunnar. Um hann var sagt að hjartsláttur pessarar byggðar ætti sér aflgjafa í brjósti hans. En Ólafur stóð ekki einn í hjálpsemi sinni og störfum í almannapágu. Á meðan hann var að fyrir aðra vann Kristín heimilinu af miklum dugnaði. Á Varmalandi ráku þau blandaðan búskap, þau voru með kýr og úti- og innirækt, bæði blóm og matjurtir. Frá unglingsaldri var Kristín einstaklega lág og ötul við hannyrðir og saumaskap. Í þeirri iðju var hún sannkallaður listamaður og margir voru þeir, bæði



skyldir og óskyldir sem nutu krafta hennar og gjafmildi.

Snemma á búskaparárum Kristínar og Ólafs lagðist skuggi heilsuleysis yfir Varmaland. Kristín fékk berkla og varð að dvelja langdvölum frá heimilinu. Það var henni og fjölskyldunni ákaflega þungbært. Þá kom sér vel hjálpssemi systra hennar, Jóhonnu og Dagbjartar, og Ólafur bar konu sína á örnum sér. Hjónaband þeirra var gott og farsælt. Pau eignuðust þrjú börn, Þóri, Arnfríði og Ólaf Kristin. Þórir er kvætur Ingunní Valtyísdóttur. Pau eiga fjögur börn og fjögur barnabörn. Arnfríður, sem lést fyrir tveimur árum, var gift Bruno Hjaltested. Pau eignuðust einn son og þrjú barnabörn. Ólafur Kristinn er kvætur Þórunni Guðmundsdóttur og eiga þau þrjú börn og tvö barnabörn.

Ólafur og Kristín brugðu búi árið 1964 og fluttu til Reykjavíkur, en Ólafur hóf þá störf á Skattstofunni í Hafnarfíði. Á þeim árum, sem nú fóru í hönd, gátu þau m.a. notið þess að ferðast. Fyrir nær tveimur áratugum tók sjóninni að hraka og þá lagði Kristín frá sér handavinnuna. Að manni sínum látnum bjó hún ein í nálægð barna sinna og hélt sjálfstæði sínu. Það var henni mikil raun þegar dóttir hennar féll frá langt um aldur fram en Arnfríður eða Bíbí eins og hún var kölluð

var henni mikil stoð og stytta. Síðustu missiri dvaldi Kristín á sjúkrastofnunum og mætti hverjum degi með rósemi hugans og æðruleysi.

Kristín Málfríður Árnadóttir var hlý kona og blíð. Hún var vel gefin, bókhneigð og minnug og kunni á mörgu skil. Kristín átti gott með að lynda við aðra og hafði yndi af félagskap, var m.a. vel virk í kvenfélaginu í Mosfellssveit.

Að leiðarlökum fylgja henni þakkir okkar og fyrirbænir.

Sr. Sigfinnur Þorleifsson

## Örnefni

Skömmu eftir að Víghóll var stofn-aður fyrir tíu árum festi félagið kaup á loftmynd af Mosfellsdal og grennd. Megintilgangurinn með þessum kaupum var að merkja inn á hana örnefni og landamerki úr dalnum. Sú skráning hefur verið í höndum Bjarka Bjarnasonar á Hvírfli sem hefur notið aðstoðar ýmissa Dalbúa.

Pessari skráningu er nú að mestu lokið og er hugmyndin að sýna afraksturinn á þorrablótinu. Gestir eru hvattir til að hafa með sér lesgleraugun.

## BÍLAVERKSTÆDI GUÐVARÐAR og KJARTANS

**SMUR- OG HIJLBARDAEJONUSTA**  
**FYRIR ÖLL FARARTÆKI**

MINN ÓRVALL VERMARDHEKJA Á LAGER  
**HJOLBARDEKK**  
SMUR- OG HIJLBARDAEJONUSTA



# Brot úr dalbrennusögu

Eftir því sem ég kemst næst var áramótabrennan fyrstu árin alltaf við Reykjadal, vestan við hlöðuna sem seinna varð starfsmannahús. Seinna töldu menn það þjóðráð að færa brennuna þangað þar sem væri gott útsýni yfir dalinn og allir gætu virt hana fyrir sér á áramótum. Því var afráðið að færa hana upp á Víghól þaðan sem útsýni er gott. Enginn var þá brennustjórinnd enda var ekki búið að finna upp það embætti þá. Þá mátti brenna hverju sem er og fóru sögur af dalbúum sem brugðu sér upp í Skammadal á jeppa, sáu þar kartöfluskúr sem hætt var að nota, bundu hann aftan í bílinn og drógu hann á harðfenni niður að Víghól þar sem logaði glatt í honum á gamlárskvöld!

Í annað skiptið þegar brennan var á Víghólnum birtist Fróði í Dalsgarði með slatta af bíldekkjunum og setti á köstiinn. Ég og frændi minn, Ólafur Andrésson, vorum þá smáþakkjar og fylgdumst vel með söfnuninni og vorum sérstaklega hrifnir af dekkjunum frá Fróða. Við reyndum að láta þau rúlla niður brekkuna og það gekk mjög vel - þangað til eitt dekkið skoppaði á mikilli ferð í gegnum gróðurhúsið hjá Jóel í Reykjahlíð! Þegar að því kom að kveikja í kestinum var leiðindaveður og fáir komu á staðinn. Þetta var fyrir meira en tuttugu árum og við Víghól var leikið á lúðra í fyrsta skipti við brennu hér í dalnum. Hljóðfæraleikararnir voru aðeins tveir, þeir Porkell og Bjarki sem spiliðu undir hjá

norðanvindinum sem söng og gnauð- aði án afláts. Seinna átti hljóðfæraleikurunum eftir að fjölga verulega í hljómsveitinn og áheyrendum sömu- leiðis.

En enn þá voru þetta hálfgerð vandræði með brennustæðið, það þurfti að finna einhvern stað þar sem allir gátu komist að. Eitt árið var reynt að safna í brennu fyrir vestan Hríbrúarbæinn þar sem útsýni var gott, m.a. alla leið til Reykjavíkur. En viti menn, aftakaveður gerði um kvöldið, fáir komust alla leið að brennunni og lúðrasveitin, sem nú fór ört staekkandi, lék áramótalögin inni í Dalsgarði.

Þá var það að þeir Fróði og Óli á Hríbrú ákváðu að færa brennuna niður að Köldukvísl við brúna. Þar var hún komin á botninn í orðsins fyllstu merkingu því neðar var víst ekki hægt að komast í Mosfellsdal. En viti menn, þetta brennustæði reyndist ljómandi gott, veður þar var betra og þangað komust allir bílar. Þá fyrst varð dalbrennan að þessari einstöku, árlegu samverustund í Mosfellsdal. Lúðrasveitinni óx fiskur um hrygg og kom sér upp alþekktu nafni og það brakaði og og brast í brennunni og lúðrunum til skiptis. Eitt gamlárskvöldið eftir velheppnaða brennu varð Óla á Hríbrú að orði:

„Ja, þegar ég og Fróði leggja saman í eitt þá verður útkoman góð!”

En brennan á Hríbrúareyrum rann sitt skeið eins og annað. Það sýndi sig að það gat verið harla blautt

við brennuna þar og því var brugðið á það ráð að flytja hana á eyrarnar við Lund og þar virðist vera komið hið ágætasta brennustæði. Ekki spillir að við höfum nú á að skipa röggsumum og góðum brennustjóra sem er Guðvarður Hákonarson. Nánast hver einasti dalbúi mætir á brennuna og lúðrasveitin Brak og brestir er að sjálfssögðu fastur liður. Á síðasta gamlárvkvöld var dreift söngtextum meðal fólksins svo allir gátu tekið undir í áramótalögnum.

Pess má síðan geta að lokum að

bæjarstjórnin hefur nú úthlutað Bakkakotsvelli svæðinu þar sem brennan hefur verið haldin undanfarin ár. Það var hins vegar upplýst á aðalfundi Víghóls nú í janúar að brennan geti verið áfram á þessu svæði þótt það purfi væntanlega að færa hana eitthvað um set. Svo það lítur út fyrir að dalbúar geti áfram fjölmennt á sína vin-sælu áramótabrennu og sungið við raust „Nú er glatt í hverjum hól“ og „Nú er sumar!“

Snorri Gíslason

## Úr gömlu bréfi

Guðmundur Þorláksson, sem jafnan var kenndur við Seljabrekku, bjó um hríð á Minna-Mosfelli en þar kom að hann reisti ásamt konu sinni Bjarnaveigu Guðjónsdóttur nýbýli ofan Mosfellsdals. Það var byggt úr Mosfellslandi og Mosfellstaður átti tvö sel þar skammt frá sem hétu Jónssel og Markúsarsel. Fyrsta sumarið bjuggu þau Bjarnveig og Guðmundur í tjaldi á meðan þau voru að koma sér þaki yfir höfuðið.

Petta var árið 1935 og nú purfti að velja nýbýlinu nafn. Ýmsar tillögur bar á góma, m.a. Heiðardalur og Jónssel. Til er gamalt bréf sem Guðmundur ritaði til hreppstjórans sem pá var Björn Bjarnarson í Grafarholti og þar veltir hann fyrir sér nokkrum nafngiftum. Hann segir:

*„Við nánari athugun sá ég að Heiðardalur var ekki réttnefni hér. Heiðin byrjar ekki fyrr en austan Leirvogsvatns og Jónsselið er fremur dæld en dalur. Auk þess er nafnið*

*fremur kuldalegt, minnir helst á óbyggð og fjarlægð frá gróðri sveitanna. Heiðardalur væri fremur rétt-nefni á lægðinni vestan Klifs, milli Leirvogsvatns og Geldingatjarnar. Þar eru samfelloðar vallendisflatir, mjög auðunnar til ræktunar og ekki ósenilegt að þar eigi eftir að rísa upp býli. Ég held að Seljabrekka sé hér mestra réttnefni. Brekkan bingað upp sú lengsta og brattasta á nýja Ping-vallaveginum, og bærinn stendur í halla, nokkuð líkt um vegalengd til beggja seljanna, þó heldur lengra til Jónsselstópta. Í Markúsarseli hefir verið miklu meiri byggingar, og mér þetta nokkur rök til nafnsins.“*

Petta bréf ritaði Guðmundur á sumardaginn fyrsta árið 1935 og upp frá þessu voru þau hjónin ævinlega kölluð Bjarnveig og Guðmundur í Seljabrekku. Þau bjuggu þar um áratugaskeið.

BB / GSJ

# Sumarið í dalnum 1942

## eftir Theódóru Thoroddsen

Sumarið 1942 dvaldist ég á Lundi í Mosfellsdal hjá þeim Gyðu frænku minn Briem og Guðmundi Porkelssyni sem þar bjuggu. Tilgangur dvalarinna var að Ásthildur einkadóttir þeirra hefði félagsskap af mér og ég af henni. Þá var ég 11 ára.

Við vorum sex í heimili þetta sumarið: Þau hjónin, Dússa, eins og dóttirin var kölluð ég, stúlka frá Skeggjastöðum er Guðlaug hét og „altnuligmand“ Karl að nafni en hans embætti var að standa í byggingarframkvæmdum svo sem að stækka íbúðarhúsið o.fl.

Við Dússa lékum okkur mikið utandyra, við vorum með stórt „bú“ úti í móa. Sennilega höfum við verið eitt-hvað á undan tímanum með íhugun eða jóga því við stóðum langtínum saman á haus, sín á hvorri þúfunni, horfðum á skýin og hugsuðum sitt hvað um lífið og tilveruna. Enn fremur fylgdumst við með uppvexti mófuglungsanna eins og börnum er títt.

Gyða frænka var höfðingi í lund og leið mér vel á þessum bæ. Guðmundur var alla virka daga í bænum í vinnu, mig minnir að hann

hafi verið í fasteignabransanum. Einu sinni koma kona af einum bænum og dvaldist nokkra daga við sauma. Hún kom með saumavélina sína með sér og saumaði alla daga, hvað eina sem til fell, m.a. sparikjól á Dússu og annan á mig sem mér þótt mikið til um. (Ef til vill var þetta Jórunn Halldórsdóttir frá Bringum sem var annáluð saumakona hér í sveitinni og ævinlega kölluð Jórunn saumakona. Innskot ritstj.)

Mig minnir að það væru tveir sumarbústaðir nærrí Lundi. Annan átti Jón Sigurðarson frá Kaldaðarnes. Hann hét Sólbrekka en hinn átti Eldeyjar-Hjalti og hét hann Hjaltastaðir.

Á Mosfelli var stórt steinhús, prestshúsið, en síðan var þar annað íbúðarhús þar sem bjuggu þau Kristinn og Halldóra þau ágætu hjón. Hjá þeim var ungur frændi Guðmundar sem hét Porkell Valdimarsson en betur þekktur undir nafninu Keli Valda. Hann var kúasmali með meiru.

Einu sinni um mitt summar kom Keli í heimsókn að Lundi. Guðmundur sagðist verja að fara til Ameríku en þá var slíkt ferðalag jafnt og að fara til tunglsins í dag. Keli vildi ekki trúua og leikur þeirra frænda var óorganlegur. Gvendur kleip í Kela og spurði:

Trúir þú nú?

Nei.

Guðmundur kitlaði strák en ekki trúði Keli. Að endingu stakk Gvendur höfðini á Kela undir kalda kranann og eftir dágóða stund sagðist strákur trúua á



Ameríkuför. Eftir þurrkun og dálítioð súkkulaði til sáttá kvaddi Keli og hjóp áleiðis að Mosfelli en þegar hann var kominn úr færi kallaði hann hátt:

-Ég trúi aldrei á Ameríkuför!

Nú dvelur hann sjálfur eftir langa prautargöngu í lífinu í Ameríku og vona ég að honum líði vel í ellinni.

Á þessum tíma voru Jónas Sveinsson læknir og fleiri með stórt kúabú í Laxnesi. Þar var ráðsmaður og búinu fjarstýrt frá Reykjavík. Stefán Þorláksson átti þá heima í Reykjahlíð og kom oft í heimsókn. Við sóttum daglega mjólk að Minna-Mosfelli til Skarphéðins bóna. Hann átti það til að stunda klæðaburð frá fyrri tímum þ.e. hann gekk til verkanna á ullarnær-brók og þótti mér það sérkennilegt.

Einn daginn, þegar við Dússa vorum í hugleiðslu á höfði á þúfna-kollum, ók hver herflutningabíllinn á eftir öðrum í gegnum Lund. Okkur fannst þetta vera endalaus bílast.

Tölulevður samgangur var á milli Lundarfólks og fólkssins á Brúarlandi en þar bjuggu Lárus Halldórsson skólastjóri og Kristín Magnúsóttir, mikið var það góð kona, og gaman að fara í heimsókn þangað. Á Brúarlandi var skúr byggður við húsið til austurs og þótti mér ægilegt hversu huguð við krakkarnir vorum er við hoppuðum af skúrpakini og niður á jörðina. Seinna fannst mér síður til pess koma því

kofinn var svo lágur. Strákarnir á Brúarlandi þóttu mér skemmtilegir og var margt brallað. Mestur var sálarfiðringurinn er þeir hófu álaveiðar sem þeir voru snillingar í. Þeir höfðu einhvern veginn komist yfir járnror sem þeir settu á mikilvægan stað í læknum. Síðan var beðið dágóða stund, gripið fyrir báða enda rörsins, hlaupið með það burt frá læknum og hellt úr því. Mikil hlátrasköll og læti upphófust þegar álarnir skriðu á feiknaspretti yfir þúfur og börð og höfnuðu að lokum aftur í læknum sínum.

Að sjálfsögðu var gerður út leiðangur nokkrum sinnum upp að Tröllafossi og þótti okkur kalt að vaða yfir ána en léturn okkur samt hafa það.

Einu sinni fóru þeir félagarnir Stefi og Guðmundur Porkelsson áleiðis veginn upp fyrir Laxnes. Við Dússa fengum að fljóta með og þar kom á móti okkur bónindinn í Seljabrekku. Mér finnst þeir hafa verið að undirbúa sumarbústaðalöðir á þessum slóðum. Þeir hafa verið á undan sínum tíma því hugmyndin var að þarna risi hverfi með tilheyrandí þjónustu. Þetta varð ný aldrei að veruleika og ekkert hús sést enn þá þar sem bústaðirnir áttu að rísa.

Mér er þessi sumarpártur í góðu minni enda gott og elskulegt fólk sem ég dvaldi hjá.

Theódóra Thoroddsen

## INGA ELÍN

VINNUSTOFA ÁLAFOSSVEGI 18  
GALLERÍ SKÓLAVÖRÐUSTÍG 5

# ÁSLÁKUR



# Aðalfundur Víghóls

Aðalfundur Víghóls fyrir árið 1996 var haldinn 21. janúar 1997 í Golfskálanum á Bakkakotsvelli. Vel var mætt, alls komu 25 dalbúar á fundinn. Stjórnin var endurkjörin en í henni sitja Auður Eiríksdóttir formaður, Sigurður Skarphéðinsson gjaldkeri, og Ásgerður Gísladóttir ritari.

Í gróðurnefnd voru endurkjörin þau Gísli Jóhannsson Hveramýri, Guðný Halldórsdóttir Melkoti, Andrés Ólafsson Hrísbróður, Ásgeir Indriðason Arkarholti 14 og Þorkell Jóelsson Túnfæti.

Formaður veitu- og umhverfisnefndar Mosfellsbæjar, Guðný Halldórsdóttir, kynnti áætlanir Reykjavíkurborgar um lagningu háspennulínu frá Nesjavöllum og aðveitustöð sem rísa á í Mosfellsdal. Eftirfarandi ályktun var gerð á fundinum og send borgarstjórn Reykjavíkur, fjölmíðum, bæjarstjórn Mosfellsbæjar, Alþingi, Skipulagi Reykjavíkurborgar og Rafmagnsveitu Reykjavíkur:

Mosfellsdal 21. janúar 1997.

Félag Dalbúa mótmælir harðlega fyrirhugaðri háspennulínu á vegum



**MOSFELLS  
APÓTEK**

Reykjavíkurborgar frá Nesjavöllum yfir Mosfellsheiði og um Mosfellsdal og staðsetningu væntanlegrar aðveitustöðvar sem reisa á vestast í dalnum inni í miðri íbúðabyggð.

Sunnanverð heiðin er þegar pétt-ofin raflínum og það er óskiljanlegt hvers vegna engin áform eru uppi um að koma þeim í jörðu í stað þess að bæta við risamöstrum. Almenningur þessa lands besfur hingað til verið ofurseldur valdi veitustofnana sem hafa haft sjálfdæmi um tilhögum framkvæmda en ekki haft fagurfræðilegan neista til að bera og er árangur eftir því.

Það er krafa félgsins að nýja lögnin fari öll í jörðu, a.m.k. í landi Mosfellsbæjar frá Borgarbólum að Korpu og að Sogslína 1, sem besfur legið í gegnum byggðina í fjóra áratugi, verði tekin niður. Það er einnig krafa félagsins að vegur sem verður lagður meðfram löginni verði lokaður allri almennri bílaumferð en afar slæmt ástand er meðfram eldri línuvegum á heiðinni því slóðir af þessum toga bjóða upp á óvandaðan utanvegarkerfi.

Það er von félagsins að borgarstjóri taki þessa málaleitan til athugunar og brjóti þar með blað í umhverfis-málum höfuðborgarinnar.

Sambykkt á fjölmennum aðalfundi Víghóls, íbúasamtaka í Mosfellsdal.

# Hvað á áin að heita?

Eitt er það sem undirrituðum þykir alltaf jafn skemmtilegt en það er að ræða við dalbúa af eldri kynslóðinni og spryrja þá um nöfnin á ánum tveimur sem renna eftir endilöngum dalnum. Það skemmtilega er að nánast engum ber saman um hvaða nafn þær bera.

Upp koma tvö nöfn á ánni sem rennur norðan megin í dalnum, þ.e. Norðurá og Kaldakvísl. En á ánni, sem rennur sunnan megin, er a.m.k. til þrjú nöfn, þ.e. Suðurá, Norður-Reykjaá og Reykjaá. Ég ræddi þessi mál við hana Hlíf frænku mína sem lengst af bjó á Æsustöðum en hún heldur því fram að þær heiti Suðurá og Norðurá en Kaldakvísl eftir að þær koma saman.

Jóel vinur minn í Reykjahlíð telur (án þess að halda því stíft fram) að þær heiti Kaldakvísl að norðanverðu en Norður-Reykjaá að sunnan. Hann telur það stafa af því að alltaf hafi verið heitara vatn í syðri ánni og hafi mátt sjá reyk stíga upp af henni en aldrei upp af Köldukvísl.

Afi minn, Steinar Guðmundsson, segir að nóbelskáldið hafi aldrei viðurkennt annað en að nyrðri áin heiti Kaldakvísl alla leið upp úr.

Þegar landabréf og kort eru

skoðuð ber þeim sjaldnast saman, eins er með ferðabækur og önnur rit sem ég hef fundið og sjálfsgagt er til fólk sem pekkir fleiri nöfn á þessum ám.

Ekki ætla ég mér að segja hvað er rangt og hvað rangt í þessum málum og er ég sammála Jóel sem sagði að best sé að leyfa fólk að kalla árnar það sem það vill. Þá líður því best..

Ég held að að oftast hafi það verið þannig með örnefni. Jóel telur t.d. að Víghóll hafi einhvern tímann heitið Kvíahóll vegna kvíanna fyrir neðan hólinn. En það getur hins vegar vel verið að einhver eða einhverjir hafi verið drepnir þarna og hann heitið Víghóll eftir það. Að minnsta kosti heitir hann Víghóll í hugum flestra dalbúa í dag.

Fróði í Dalsgarði sagði mér frá því að hann hefði einhvern tímann heyrт Æsustaðafjallið kallað Æsufell og sér hefði ekki þótt það ólíklegt vegna hinna fellanna, þ.e. Mosfell, Grímannsfell og Helgafell sem öll umlykja dalinn.

En munið það sem Jóel sagði: „Kallið þetta það sem þið viljið; þá líður ykkur best!“

Snorri Gísla

**ÁLFTÁRÓS HF**

SANDJUVÉG 11 - 200 KÖPNUOGI - S. 31-641340

**ABSALON**  
**Hársnyrtistofa**  
Urðarholti 4 - Sími 566 8500

# Landsynningur með steypiskúrum

**Veðurathuganir í Mosfellsdal fyrir 140 árum  
eftir Guðjón Sigþór Jensson**

Í mars 1857 varð eftirminnilegur atburður á Mosfellsheiðinni þegar 6 vermann léztust úr vosbúð og kulda á leið vestur í verið. Sóknarpresturinn á Mosfelli, sr. Magnús Grímsson, hélt þvílíka útfararræðu eftir þá að lengi var í minningu samtíðarinnar, svo hugnæm var hún.

Pessi afdrifaríki atburður hefur væntanlega setið lengi í Magnúsi. Hvað er nærtækara visindamanni en að afla upplýsinga til að unnt sé að gera sér betri grein fyrir eðli veðursins? Næsta haust hefur Magnús komið sér upp hitamæli til pess að hefja veðurathuganir á Mosfelli. Hann var ekki síður vísingdamaður á svíði raunvísinda en hugvísinda og ber þýðing hans á eðlisfræði merki þess að hann hefur verið einn fremsti maður á Íslandi í þeirri vísingardegin.

Á Landsbókasafni, í þeim hluta handritadeildar sem kenndur er við Jón Sigurðsson forseta er veðurathugunarssyrpa sr. Magnúsar frá árunum 1857 og 1858. Hann hóf athuganir sínar þann 17. nóvember 1857 og mælir

hann hitastigið þrisvar á dag: kl 9. fyrir hádegi, kl 12 á hádegi og aftur kl 15. Hitamælirinn var af Remour-gerð, þ.e. frostmark er við 0 gráður eins og á Celsius-mælum, en suðumark við 80 gráður.

Verður því að margfalda allar hitastigstölur undir eða yfir núllgráðum með stuðlinum 1.25 til að fá sambærilegar gráður á Celsius.

Snúum okkur nú að veðurathugunum Magnúsar:

17. nóv. kl. 9 f.m. kl. 12 kl. 3 e.m.  
+6 +6 +6,5 Vindur SSA en gekk með kveldi til SAS. Vindur hægur.

18. nóv. +5 +5 +5 Vindur á landsunnar goluvindur þurr. Um nöttina sterkur landsynningur með steypiskúrum. Sneri sér fram úr dagmálum til landnorðurs, aldrei hvass með regnskúrum hægum, - alskýjað.

19. nóv. +6 +6 +5 Vindur á landnorðan, hægur og logn, stundum ýranda regn oftar, um miðdegið þéttar skúrir. Um kvöldið sá stjörnur. Um daginn alskýjað.

20. nóv. +2 +2,5 +2 Góðviðri, regnlaust, alskýjað nærrí logn - andvarinn á útsunnan. Andvarinn kl 12 á landnorðri, þurr alskýjað.

21. nóv. 2,25 +0,25 +0,75 Um nött-

**Verið velkomin**



Starfssólk Íslandshagna Mosfellsbæ  
Bverðhluti 6 • 270 Mosfellsbær • Sími 5-666080

## DALALÉÐAN

20. +2° - +2½° - +2°

Um voraður sá og fyrirvar. um var...

gott íri, reglumist, að tilgjá, nördi bagn-andværum, dí  
útkomman. Andværum kl. 12 f.m. á landssöð, þarod  
að tilgjá.

21. - +2½° - +¾° - +¾°

Um nættum lygn og regn miðalt. Síðugr um  
morgunum í logni. Um dagmálum og úr því  
blærum í vestan. Kl. 10 f.m. vifðast á fjöll,  
en festi ekki í byggðfyr en kl. 12 f.m.

Kl. 5-6 gekk vindur í austur-landsstöð, hvorin, en  
þer frá kl. 3 e.m. Sáust stjörnur. Um kveldið þurh  
um nættum þurh. Hvardeins í austur-landsstöðum um  
morgunum heildar. Götuvindur í austur-landsstöðum um kveldi  
í mordum, hægrivindi. Í leimi partum og um kveldið  
heildar, lygn, íberndi andværum í landsstöðum. Síðum,  
um nættum heildar, lygn þurh. Um morgunum einu andvæ  
á landsvæðan. Lygn um miðdagit. Síðum, lygn um  
kveldið, heildar, stjörnur. Tengiliðir. Norðhlýsi, hvilir vest  
grænlits, ólyg um framt lopt frá aðil er óta íslenskr.

22. -1° - +½° - -2°

23. -5° - +3° - -5°

24. -9° - -3° - +2½°

(mælt -5°)

(mælt -4½°)

Um nættum gott vært lygti, þurh. Um morgunum lygn,  
þyður. (Meit framt um nættum frá kl. 3 e.m kl. 9 f.m. -8°) Síðum  
lygn. Andværum um kveldið á landsvæðum. Þyður. Síðum  
vít og vist frangur. Lygn. Gekk til vestur um kveldið og  
síðum kveldið.

### Síða úr veðurdagbókinni

ina lygt og regn mikið. Sá regn um  
morguninn í logni. Um dagmálum og  
úr því blærinn á vestan. Kl 10 f.m.  
snjóðaði á fjöll, en festi ekki í byggð fyr  
en kl 12 f.m. Kl 5-6 gekk vindur í  
austur-landsuður, hvass en þurr frá kl.  
3 e.m. Sáust stjörnur. Um kveldið þurrt.  
Pannig heldur Magnús áfram veður-

athugunum sínum á Mosfelli fram til  
26. nóvember. Þá verður alllangt hlé á  
athugunum Magnúsar enda hefur hann  
viljað afla sér betri og nákvæmari  
tækja.

Guðjón Sigþór Jensson



Sólbaðsstofan  
**Stjórnuljós**

Bjargartanga 2 - ☎ 566 81 10

# Hytta

Eins og flestir vita er fyrirhugað að nýr kirkjugarður komi að Mosfelli, suðvestan við núverandi kirkjugarð. Spildan, þar sem kirkjugaðurinn mun vera, hefur ævinlega verð kölluð Hytta eftir samnefndu býli sem stóð þar. Séra Bjarni Sigurðsson ritaði greinarstúf um þetta gamla býli á Dalalæðuna árið 1991 og verður hann endurbirtur hér í tilefni af því að nú mun þetta gamla hjáleiguland öðlast nýtt hlutverk:

Fyrir norðan Koldukvísl eru á Mosfelli 4 túnspildur, nokkuð að greindar. Sú sem er þeirra mest er um 3 hektarar og hefir frá fornu fari gengið undir nafninu Hytta. Þarna var fyrrum hjáleiga frá Mosfelli sem fylgt hefir dálítil grasnyt því seinasti ábúandi á þessu kotti er sagður vera bóni.

Menn hafa stundum velt því fyrir sér hvernig stæði á þessu nafni á hjáleigunni. Vafalaust er þó hér á ferðinni danska orðið hytte sem merkir kofi eða kot enda hafa sumir prestar ritað svo í sálnaregistri, Hytta.

Ekki leikur á tveimur tungum að kotti að tarna hefir verið lítið og kostarýrt, enda urðu fjölskyldurnar þar ekki mosavagnar og vafalaust hafa ábúendur orðið að grípa í verk af þeim til að sjá sér og sínum farborða. Samt

bjó þarna 7 manna fjölskylda fyrir miðja síðustu öld, önnur en sú sem seinast bjó í kotinu.

Eftir heimildum að dæma hefir Hytta endanlega farið í eyði árið 1865. Á ofanverðu ári 1854 búa parna hjón með 5 börn á aldrinum 2-13 ára en svo enginn ári seinna. Seinasti bóni í Hytta var Sæmundur Erlendsson en kona hans var Guðný Vigfúsdóttir. Bæði eru þau hálfertug árið 1864. Vitnisburður þeirra hjóna er sá að þau séu bæði læs, þau séu ráðvönd, kunnáttu þeirra beggja sé nægjanleg og bókkakostur heimilins sé viðunandi og mun þar einkum miðað við guðsorðabækur. Tvö elstu börnini, 11 og 13 ára, eru og læs á bók.

Þau Sæmundur og Guðný bjuggu í Hytta í örfá ár. Enginn veit nú um stundir hvaðan þess dalbúa bar að né hvert þau fara þegar þau hverfa út í sorta gleymskunnar. Vafalítið mætti þó fá nokkra vitneskju um þetta með yfirlegu. Enn þann dag í dag geta kunnugir bent á hvar litli bærinn þeirra stóð.

Eftirmáli. Nýr kirkjugarður á Mosfelli hefur jarðrask í för með sér og þess vegna kvöð samkvæmt lögum að gera fornleifarannsókn þar sem vitað er að byggð var á svæðinu. Grafið var í gamla bæjarhólinn á Hytta síðastliðið haust og viti menn: í ljós kom hleðsla, væntanlega af bæjarvegg. Ákveðið hefur verið að gera ýtarlegri rannsókn næsta sumar og þá mun e.t.v. meiri mannvistarleifar koma í ljós frá tið þeirra Sæmundar og Guðnýjar sem hurfu “út í sorta gleymskunnar”.

**MARKAÐS  
KJUKLINGAR**

ab

Verzunum

rkí á  
las í

Pet

affi

# Gerpúlver

i lausri vigt, i smáþókkum til 1 og 2 ȝ, einnig i glösum, ágætlega gott og ódýrt i verzlun

**W. Fischer's.**

# Leirrör,

tvær stærðir, 6 þml. og 9 þml., eru hvergi eins ódýr og í verzlun

**W. Fischer's.**

# Jörð til Söllu.

Til kaups fæst jörðin Laxnes, beztá jörðin í Mosfellssveit, með mjög góðum kjórum. Á jörðunni er nýtt húðarhús ír timbri, járnvaríð; undir húsinu er steinlimdur kjallari og er í honum eldhús með stórr í og vænni eldavél, bür, geymsluhús og 2 svefnherbergi. Á gólf yfir kjallaranum er gestastofa, svefnherbergi og forstofa, þar að auki haðstofa, svefnherbergi og eitt herbergi að auki. Eftir loft er astur alt setlað til geymslu. Þar að auki fylgir jörðunni:

1. Timburhjallur, járnvarinn, með lofti.

2. Skemma með járnþaki og járvörðum gaſi í annan endann.
3. Eldiviðarhús.
4. Heyhlæda, mjög sterk og traust-lega bygð, járnvarin. Tekur fulla 300 hesta.
5. Fjós með járnþaki, tekur 5 naut-gripi.

Áfast við það er:

6. Hesthús, sem tekur 2 hesta.
7. Fjárhús, 3 að tólu.
8. Hesthús 2.

Enn fremur er á jörðunni nýbygð hrossarétt, sem tekur 800 hross.

Túnstæði er ákaslega stórt og getur túníð tekið miklum umbótum með litlum tilkostnaði. Utantúnslægjur eru bæði vallendi og myri og engjavegur stuttur.

Beitiland fyrir sauðfé er afbragðs gott bæði sumar og vetur og hagarnir út af túninu.

Í Mostellssveitinni eru sveitarþyngsli mjög litil og í Reykjavík er markaður fyrir allar búasafurðir, enda þangað ekki nema 2—3 stunda reið frá Laxnesi.

Í Mostellssveitinni er að byrja dagleg mjólkursala til Reykjavíkur.

Reykjavík 14. okt. 1903.

Páll Vídalín.

Ritstjóri: ÓLAFUR ÓLAFSSON.

Prentumíðja Reykjavíkur.

## Gömul auglýsing

Eftirfarandi auglýsing birtist í tímaritinu Fjallkonunni 20.10.1903. Árið eftir fluttu hjónin Guðjón Helgi Helgason og Sigríður Halldórsdóttir að Laxnesi. Sonur peirra, Halldór, var þá tveggja ára gamall. Hann átti eftir að verða heimsfrægur undir nafninu Halldór Kiljan Laxness.

# ANNÁLL ÁRSINS 1996

## PORRABLÓT 1996

var haldið í Kiwanishúsínu í Leirvogstungu þ. 3. febrúar og var vel mætt, bæði úr Mosfellsdal og Pingvallasveit. Skemmtunin tókst í alla staði vel og er fullur hugur í fólkis að halda áfram að blóta þorra á komandi árum.

## GRÓÐURREITIR.

Stjórn Víghóls stóð í viðræðum við kirkjunnar menn um framtíð Gvendarreits. Fullvissa fékkst hjá þeim séra Jóni Þorsteinssyni og Birni Ástmundssyni sóknarnefndarformanni að dalbúafélagið hefði áfram umráð yfir reitnum svo framarlega sem hugsað verður um hann.

Gísli í Hveramýri tók að sér snyrtingu, áburðargjöf og gras- og skordýraeitrun í gróðurretnum petta árið og þarf að fylgja því vel eftir næstu ár. Þá tóku nokkrir Dalbúar þátt i gróðursetningu í hlíðum Æsustaðajalls með Skógræktarfélögnum í júlí sl.

## BRÉF TIL BÆJAR-STJÓRNAR.

Eftir aðalfund '95 sendi stjórn Víghóls bréf til bæjarstjórnar í Mosfellsbæ með óskum um úrbætur í dalnum. Eins og oft ádur fór lítið fyrir skriflegum svörum, það virðist lítt tíðkað hér í bæ hvorki að fornu né nýju.

Viðbrögð voru samt allgóð og má sjá þess stað í Suðurá þar sem hún rennur hjá Brennholti. Þar voru settar stiklur, þannig að göngu- og hjóreiðarfólk kemst þar yfir þurrum fótum.

Einnig hefur verið spennandi að fylgjast með framkvæmdum við göngu-

og hjóreiðastig sem byrjað var á seint í haust og liggar frá Áslandi og inn í Mosfellsdal. Dalbúar eru að vonum ánægðir með þessar framkvæmdir og hugsa sér gott til glóðarinnar til að komast bíllausir á milli hverfa án þessa að verða úti á þjóðveginum.

Leiktæki eru komin í Gvendarreit og starfsfólk unglingsavinnunnar sá um að slá grasflötina sl. sumar. Dalbúar eru að vonum pakklátir fyrir þetta.

Vonandi styttist í það að gert verði reiðfært undir brúna í Viðiroddanum, það verður miklu öruggara fyrir hesta og menn en að fara yfir þjóðveginn eins og nú er gert.

## HVERFISFUNDUR

var haldinn á vegum bæjarstjórnar Mosfellsbæjar þ. 3. des. í Golfskálanum á Bakkakotsvelli. Maeting var góð og urðu miklar umræður um ýmis mál milli dalbúa og embættismanna bæjarins. Almenn ánægja var með fundinn og mætti halda slíka fundi árlega til að stuðla að betra sambandi milli íbúa og bæjarstjórnar.

## ÁRAMÓTABRENNNA.

Litlu munaði að áramótabrennan hefði verið blásin af. Nokkrir brúsar af framkóllunarvökva höfðu verið settir á köstinn og þar sem slík efni teljast spilliefni er algjörlega ólöglegt að setja þau á brennu. Kæra þurfti til lögreglu til þess að losna við þetta og fá brennuleyfi. Vonar stjórn Víghóls að svona lagað komi ekki fyrir astur.

Auður Eiríksdóttir